

www.BibleForChildren.org

Mat. 1



Nu senku nantu nankaasmatai Yus ni suntarin
Kapriaran Kariréanam Nasarét peprua nui akupkamiayi.
Nasarétnumia nuwan, naari Marí, iyuti tusa
akuptúkamiayi. Nú nuwaka áishmanjai tsaniñchayayi.
Nisha Jusejai nuatnaikiatsa anajmanair pujumiayi.
Juseka uunt Tawit weayuyayi.



Nuyá_ Yusa suntari_ chicharuk “Mariyá,
sapijmiakaip. Yus shiir
enentáimturmawai. Antukta.
Amesha ajapruktatme. Túram Uchi
takustatme. Nusha ‘Jesus’
anaikiata. Nisha uunt átatui.
Nincha ‘Uunt Naṅkamantu
Yusa Uchirí_’ tiártatui. Tura Uunt
Yuska yaunchu Tawitian úunt
akupniuri_ awajsámia núnisaṅ_ ame
Uchirmináme shuarumin Israer tutain
Uunt akupin awajsattawai. Ni

akupeamuriṣha
Yus susamu asa peṅké
amuukashtiniaiti” tímiayi.



Yusa suntari_ tutai Marí chichaak
“Nusha winia áishur atsaisha ¿itiurak
túrunataj?” Tutai Yusa suntari_
Marin chichaak “Yusa Wakaní_
tarutrámataui. Tura yurañmia
núnisañ Uunt Yusa
kakarmari_ ijirmattawai.
Nu tuma asamtai Uchi
akiiniattana nu
Yusaiya_ asamtai
‘Yusa Uchirínti’
tiártatui.”



Nu tsawant Marí wárikmas muranam Jutanam ni kaná kain Irisapítian iyutaj tusa wémiayi.

Sakaríasai_jeá ni jeen wayá_ Irisapítian

áuj samiayi. Irisapít Marí

áujeamun antukmatai

uchi init muchitkamiayi.

Tumai_ Irisapítian Yusa

Wakaní_ ni enentáin

pimiutkamiayi.

Nuin_kia kakantar

Marin chicharuk “Yus

amincha ti shiir

awajtámsaiti. Tura

Uchiram akiiniattana

nusha Yus shiir
awajsamuiti.”



Jesukrístu akiiniamu júnis ámiayi. Ni nukurí_Marí Jusejai_ anajmanairuyayi.

Tura tsaníatsain_ Yusa Wakaní_ajaprumtikiamiayi.

Ajaprukматаisha Jusé

Marin iniatsáatsuk nin

ajapatniun

enentáimpramiayi.

Tura tí penker

túrin asa aya iniaisatniun

wakerimiayi aents

nékainiatsain_.



Nuna tu enentáimia pujái_mese Kranam Yusa suntari_tarí
ipiatkámiayi. Tura chicharuk “Juseá, ame weatrum
Tawitchakait. Tuma asam
Marijiaí_nuatnaikiatin ashamkaip.
Uchin takustatna nuka Yusa
Wakaníniuiti. Uchin áishmaᅇkan
takustatui tura nuna naari_JESUS
anaikiattame.”



“Ashí ni shuarin ni tunaariya uwentikrartin asa Jesus anaikiatniuiti” timiayi. Jusesha mesekramsua shintiar Yusa suntari timia nunisan Marin nuatkamiayi. Tura uchin takatsain tsaniinchamiayi. Tura aishmanchin takusmatai Jesus tu anaikiamiayi.



Wats Juan akiiniamia nú uwitin úunt akupin Akustu ashí
nunkanam aentsun nekapmararti tu chichakmiayi.

Ni naari áartaj tusa ashí
shuar ni nunkenin wétin
ármiai.



Tuma asamtai Jusé Kariréanam Nasarét péprunmaya_
jiinkí_ Jutanam Piriñ péprunam wémiayi. Juseka Tawit
weanam akiinia asa ni
nekas nuñkenka
Piriñkiauyayi. Nu
asamtai ni náariñ
áartaj tusa



Jusé Marijiaí
wémiayi. Marisha
Jusé núweyayi. Tura
tsaniñcharuyayi. Túmaitiat Marisha ajamtiniuyayi.



Tura nui Pirinnum
pujuiniaí Marí takustintri
jeamiayi.



Nui uchi áishmaṅkan iwiaṅ takusmiayi. Tura uchi penutaijiaṅ penuar waaka yurumtainiam aepsamiayi. Írar kanutai pujustin aṅkant atsá asamtai túrawarmiayi.



Tura Piriñnum tíjiuch murikiun wáinin kashi murikrín
wáiniuk pujuarmiayi. Túmainiaj Yusa suntar murikiun
wáinin matsatainian wantintiukmiayi.

Tura Yusaiya
tsáapnin ni



matsatainiamunam
etsantramiayi.



Túrunamtai murikiun wáinniuka ti ashamkarmiayi.
Túrasha Yusa suntari chicharuk “Ashamprukairap.
Ashí aentsnum ti warastin atí tusan tí
peñker chichaman
itiarjarme.
Juíti.”



“Yamáí tsawantai Tawitia péprurín Pirinnum yaunchu
Yus Unt anaikiamu KRISTU tutai, Uwemtikkiartin
akiinturmarme. Nu Uchisha ashí
aentsun akupniuti.”



“Tura jujai nekaattarme, uchi penutaijiai penuarma
waaka yurumtainiam tepá wainkiattarme. Nu
wainkiarum nekas juiti, tu nekaattarme”
tímiayi.



Nu chichamaik Yusa suntari ti untsurí
nayaimpinmaya káunkarmiayi. Túrawar
Yusa náariñ shiir Awajainiak



“Nayaimpinmasha
Yus
nañkamantuiti tu
enentáimtusarti.”



“Tura ju nuṅkanmasha Yusjai nawamnaikiaru ainia nusha aṅkant pujusárti.” Tu tiármiaiyi.



Tura Yusa suntari_nayaimpiniam
waketkiarmatai murikiun wáinin chichainiak
“Wats Pirinnum wárik wetái. Nu túrunamu
Yus túramajnia nu iyumi” tiármiaiyi. Nuna
tiar wárik wéarmiayi.



Tura Marincha Jusencha wáinkiar miayi.
Tura uchincha waaka yurumtainiam tepan
wáinkiar miayi. Wéar nuna wáinkiar Yusa
suntari_ uchi túrunamuri_ timia nuna
etserkarmiyi.



Jutá nuṅkanam
Piriṅnum nuṅ Jesus
akiiniamiayi. Nuṅsha
nú nuṅka akupniúri
Irutisauyayi.
Akiiniamtai ti
neka

apach etsa_tatainmaaniya_
Jerusaréṅnum táarmiayi.



Taar inintruiniak
“¿Israer shuara úunt
akupniuri tui
akiiniait? Etsa
tatainmaani
pujaati ni

yaari wainkiamji. Tura
tikishmátratai tusar winiaji”
tiármiaji.



Nuna tuíniakui Irutis ti neka
apachin úsan urutía yaa
emka wainkiamarum tusa
aniasarmiayi. Nuyá
Piriñnum akupeak “Nui
werum uchi péñker
inintrúsrum wáinkiatarum.
Tura wainkiarum
ujatkatarum. Wisha werin
tikishmátutaj” tímiayi.



Uunt akupin Irutis nuna tutai ti neka apach jíinkiarmatai yaan etsa_tatainmaani_pujuinia wáinkiar mia nú yaa tuke eem wémiayi. Tura yaan wáinkiar imiá nan_kaamas tí warasarmiayi. Tura nú yaa uchi pujumia nui neka apachin ejeniarmiayi. Jeá wayawar uchincha ni nukurí_Marijiaí wáinkiar miayi.



Tura uchin tikishmátrarmiayi. Nuyá_ ni enketáiriyan_ jusa
kurincha, mira kuṅkuinniasha, chíkich kuṅkuinniasha
súsarmiayi. Nuyá_ mesekranam Yus
“Irutisaini_ waketkirap” tutai
chíkich jintianmaani_
waketkiarmiayi.



Ti neka apach waketrantai
Yusa suntari_ Jusen mesekran
ipiatkámiai. “Nantakim uchi ni
nukuríjiaj_ Ejiptunam jukim
pisarta túram nui_ pujusta.
Irutis uchin mátaj tusa
eaktatui. Tura ukunam
aṅkant ajasmatai
ujaktájme” tímiayi.





Tutai Jusé kurat shintiar nú
káshik uchincha nukuríjiai
Ejiptunam jukimiayi. Irutis
jáatsain nui pujusármiai.
Ejiptunam pujusmatai Yus
yaunchu timia nu
uminkiamiayi. Iis,
Yúsnan etserin aak
tímiayi “Ejiptunmayan
winia



Uchirun untsukmajai.”
Tu áarmiai.



Irutissha ti neka apach nin
anaṅka yajā waketran nekáa
ti kajekmiayi. Ti kajek ashí
áishmaṅchin Piriṅnumsha tura
yantamach pujuarmia nunasha
máwarat tusa akupkámiayi.



Ti neka apach ujakmia nuna
enentáimias ashí jimiará
uwin takakun tura nú
uchichin máwarat tusa
akupkámiayi.



Tura Ejiptunam Jusé tuke nui
pujan Irutiska jákai tusa Yusa
suntari mesekranam ujaak
“Uchin mátaj tiarmia nuka
kajinkiáru áiniawai. Yamaikia
ataksha uchi ni nukuríjiai
jukim Israer nunkanam
waketkitia” tímiayi.



Túrasha Irutisa uchirí_Arkiráu Jutanam úunt
akupin ajasún nekáa
nui_wétinian
arankámiayi.

Mesekranmasha
ujakma
asa
nui_

pujutsuk
Kariréanam wémiayi.
Nui_jeá Nasarétnum pujusmiayi.

“Nasarétnumia_átatui” Yúsnan etserin yaunchu
tu etserkamu nujai_uminkiamiayi.



Yuska ashí
shuaran ti anea asa, ni Uchirín chikichik
ana nuna shuaran uwemtikrarat tusa
tsaṅkatkamiayi. Tuma asa ashí shuar
Niin enentáimtana nu, jinium wécharat
tusa antsu Yusaj_tuke iwiaaku
pujusárat tusa ni Uchirín
akuptúrmakmiaji.



Rum. 3:23 Túrasha ashí shuarti tunáa túraitji. Tuma asar Yusa shíirmariya_ tímianu ajastin penké jeatsji.

Rum. 6:23 Tunáa takarkumka tuke jákatniun akirmáktatui. Antsu Yuska iikia takaatsrinin_ penké ántar tuke iwiaaku pujustinian suramsattaji. Ii Uuntri_ Jesukrístujai_ tsaniñkia pujá asakrin nuna túrutmattaji.

Isr. 9:27 Ashí shuarsha chikichkí jakar nuyá_ ni túrukarman Yusai_ nekamatin áiniawai.

Ipi. 2:8,9 Jesukrístu nekas enentáimta asakrumin Yus waitnentramar uwemtikrampraiti. Ju_ka átumkeka túrunachuitrume. Antsu Yuska Niñki kuítchajai_ suramsaitrume. Shuar ni takatríjjai_ uwempratniuitkiun_ka nañkamantu enentáimsainti winia kakarmarjai_ uwemprajai_ tusa. Nu enentáimsatniuka atsutí tusa Yuska átumka takaatsrumnin_ uwempratniun suramsamiarme.



Rum. 10:9,10 Yus Jesusan jakaan iniantkímia nu nekasaiti tu enentáimtakum tura wénumjai “Jesus winia Úuntruiti” tákum uwemprattame. Kame enentáimjjai Kristu nekas Yusa uchirínti tu nekas enentáimtakmin Yus péñkeraitme turamtatui nuyá wénumjai “Jesukrístun enentáimtajai” tákumka uwempraitme.

Jn. 3:16,17 Yuska ashí shuaran ti anea asa, ni Uchirín chikichik ana nuna shuaran uwemtikrarat tusa tsañkatakamiayi. Tuma asa ashí shuar Niin enentáimtana nu, jinium wécharat tusa antsu Yusaj tuke iwiaaku pujusárat tusa ni Uchirín akuptúrmakmiaji.



1 Jn. 5:11-13 Yus aentsun kajerak jinium surukat tusa ni Uchirín akupkachmiayi. Antsu uwentikrarat tusa akupkámiai. Yus ni Uchirín timia juíti. Tuke iwiaaku pujutai nérenniuiti tura nu iwiaakmancha iin suramsaitji. Yusa Uchiríjiaj tsaniñ wekaana nú shuar, nu iwiaakmajaj iwiaaku pujuiniawai. Tura Yusa Uchiríjiaj tsaniñ wekaatsna nú shuar, nu iwiaaku átinnium pujatsui. Yusa Uchirí nekas enentáimtakrum tuke amuicha iwiaakmajaj iwiaaku pujarme. Nu nekaatarum tusan juna áatjarme.



Mat. 1-2; Ruk. 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Shuar Bible (jiv) ©2009 Avant Ministries in cooperation with
Wycliffe Bible Translators, Inc. All rights reserved.

<https://www.bible.com/bible/597/GEN.1.JIV>

©2025 Bible for Children, Inc.

www.M1914.org

www.bibleforchildren.org

